



UNIVERSITÄTS-  
BIBLIOTHEK  
PADERBORN

**De Ivre Sistendi, Et Manvum Iniectione, Qvam Vvlgō  
Arrestationem Vocant, Svccincta Explicatio**

**Peck, Pierre**

**Antverpiæ, 1589**

De priuilegio Bullæ aureæ. Caput 8.

---

[urn:nbn:de:hbz:466:1-63495](https://nbn-resolving.org/urn:nbn:de:hbz:466:1-63495)

*De Iure Sistendi.*

contingeret debitorem miserè decipi, sub hac confidentia, qui alioqui non venisset, quod esse non debet; Et in simili in quotidiana praxi, vsu receptum esse videmus, quod quando partes sunt in tractatu pacis, omnis ratio procedendi & processus litis cessat.

*De priuilegio Bullæ aureæ. Cap. 8.*

*ARGUMENTA.*

*Brabantus an Brabantum arrestare possit, & ubi, numero*

*Statutum absolutè prohibens comprehendit subditum in alieno existentem territorio. nu. 1.*

*Statuendi potestas inter subditos, territorio non ar- statur. num. 2.*

*Excommunicatio ligat subditum in omni loco. nu. 3.*

*Interdictio bonorum facta prodigo, contractum eius irritat quocunque loco factum. nu. 4.*

*Bona mobilia sequuntur personam. nu. 5.*

*Debitor fugitiuus non inuatur ullo priuilegio. nu. 6.*

**I**NCOLIS Ducatus Brabatiæ speciali iure à Carolo Quarto Imperatore aliisque Principibus indultum est, vnum Brabantum, non posse alterum Brabantum extra Brabantiam arrestare.

Quæro igitur an Brabantus Brabantum arrestare possit in Hispania, Italia, Anglia, Gallia, & aliis prouinciis aut regnis, quæ nõ sub- sunt Imperatori & Principibus qui priuilegiũ illud concesserunt? Et paucis videtur dicen- dum quod non: quia sicut statutum prohibi- torium absolutè loquens, comprehendit sub- ditum

ditum existentem in alieno territorio, vt not. in cap. vt animarum. de constit. lib. 6. Ancho. in c. canonum. extra eo. tit. Bart. in l. cunctos populos. in 6. quæst. C. de summa trinit. Ita etiam & hoc priuilegium, quod vim statuti habet.

Secundò, quia potestas statuendi, inter subditos, territorio non arctatur. l. si. ff. de decret. ab ord. fac. l. si quis. C. de episc. & cler. c. tua. de cleric. non resid. Vnde si statutum vetet vxorem donare viro, vxor etiam extra territoriũ existens donare non potest. Salice. in d. l. cunctos. Hipol. ad l. fin. nu. 142. ff. de iurisd. omn. iudic. ergo etiam subditi extra territorium existētes, debent & statuta Principis sui, & priuilegia per eum concessa, nec planè voluntaria, sed fauore debitorum indulta, & obseruari mandata, diligenter obseruare.

Tertiò, quia si lex Principis suos subditos liget ybicunque sint, & quocunque eant. l. 2. C. de commer. & l. 2. C. de vectig. ca. fi. de constitut. ergo etiam & priuilegium illius, quod voluit habere vim legis & statuti.

Quartò, quia si sententia vinculo excommunicationis ligat subditum quocunque loco sit, quæ tamen fertur in inuitum. l. ex ea. ff. de postul. c. quisque. 4. q. 5. multò fortius sanè ligat priuilegium communi consensu populi & subditorum impetratum, & in quod omnes semel consenserunt. l. qui minor. ff. ad municipal. l. de quibus. ff. de legib.

Quintò, quia in simili videmus quod interditi

terdi-

*De Iure Sistendi.*

terdictio bonorū facta prodigo ligat eum in quocunque loco & territorio contrahat. l. re- legatorum. §. interdicere. ff. de interd. & relig. ergo etiam & hoc priuilegium prohibituum ligat ciuem vbicunque existētem. Et his ipsis rationibus Ludou. Roman. consil. 39. incipi. In proposita quaestione, tenet statutum prohibitorium de restando aut ligando, ligare subditum testantem extra territorium. Idem censeo dicendum esse de rebus Brabantini, à Brabantino in alia prouincia existentibus, arrestandis, id quod dicta bulla etiam exprimit. Quia quando statutum aut lex, non respicit principaliter res, sed personas, vt hic, cum dicitur, quod Brabantinus non potest Brabantinum, aut res eius alibi arrestare, verba directè proferuntur & diriguntur, in personam Brabantini arrestantis, & tunc extenditur ad bona alibi sita. l. propter lites. §. licet. ff. de excusat. l. 2. C. eod. titu. Romanus d. loco. & per multas alias rationes & leges, per eum ibi allegatas, & per Ioan. Crotum consil. 5. circa fi.

6 De quo tantò minus dubitandum esse puto, ideo quòd hic loquimur de bonis mobilibus debitoris, quæ sola arrestari possunt; ea enim personam sequuntur, & eandem cōditionem cum ea sortiuntur; Vnde sicut persona arrestari non potest, ita nec bona mobilia eiusdem. Et videmus in simili, quod quando bona alicuius cōfiscantur, à Iudice vnus territorij, bona immobilia alibi sita, ad illum Iudicem non pertinent, bona tamen immobilia sunt illius, Bald.

Bald. in l. mercatores. C. de commerc. Alexan.  
consilio 92. lib. 4.

Excipio tamen hic debitorem fugitivum; 7  
etenim existimo quod nō obstante dicta bul-  
la aurea, Brabantus potest Brabantum, & res  
eiusdem, siue in locis subiectis Imperio, siue  
in aliis locis, arrestare aut sistere, & detinere, si  
est fugitivus aut de fuga suspectus: quia cō-  
tra debitorem fugitivum, cessant priuilegia.  
Potest enim aduersus communes regulas ab  
ipso creditore comprehendere. l. ait prætor. §. si  
debitorem. ff. quæ in frau. cred. potest capi die  
feriato, etiam in honorem Dei & Sanctorum  
introducō. glo. celebris. in l. vlt. C. de fer. Bal.  
in c. fin. eod. tit. Potest etiam iudex incompe-  
tens illum comprehendere. Anchora. consilio  
192. & Iason in l. vinum. nu. 5. ff. si cert. petat.  
putat illū ab ecclesia auferri posse, & D. Præ-  
ses in loco, à loco ad tempus. & Oldrad. consi.  
54. decis. Capell. Tholos. 422. Boerius decis.  
215. quod tamen non puto esse verum, vt &  
Didac. lib. 2. variar. resolu. cap. vlt. num. 14. &  
ideo in genere dicit Bal. consil. 1. & Ioā. Bapt.  
Caccialupi de debitore suspect. q. 8. in princi-  
num. 2. quod talis debitor non gaudet bene-  
ficiis legalibus, & sic prædictum priuilegium,  
debet accipere interpretationem à iure com-  
muni.

Vtrum reditus hypothecatus in vno  
loco, si decursus est, possit à credito-  
re eius, cui debetur arrestari in loco  
domicilij debitoris, qui illum debet.

Ca-